

京師坊巷志

戊午孟夏



京師坊巷志

惲毓嘉



南林劉氏
求恕齋刊

京師坊巷志序

京師坊巷志上下兩卷卽順天府志卷之十三四義烏朱鼎父侍御江陰繆編修藝風先生所同輯也侍御客游嶺表蕉萃以盡先生假歸數歲復取元書勘定時有損益意將裁篇別出以餉後世詳竊聞其議因亟從與刻之而謹敘其首日京師首善厯姓所崇班固張衡號工摛屬咸寫其狀至於坊屯署列平叔牒其秩名巷苞開出太冲侈其猥騎輿區神皋遂著此號直黃圖故事翔著宮觀宣明建陽劇從葦苒上黨懷義何預州郡之稱馬糞烏衣豈僅王謝之錄鳩而合之取備掌故經緯

京師坊巷志序

二求恕齋

雅聞泚汰蓄會雖推輪於官書可榻署爲別記兩君之養於是偉矣夫皇居帝室九流鱗萃四會蠶午王侯列第之區士夫泊宅之所郡國邸舍之攢香亭傳祖道之宴集昔人所載瀟漫散紀旁魄而論固爲壯觀錯綜最錄厥難亦見學非弘瞻交無雅宿游肆闕於借閱發匱窮於短說文有可采則纍幅迄書事無所徵則么弦弛柱東臞西瘠判肥瘦而未工乙闕辰張均殷賑而獨逸求董公之甲第楊子之宅俄空指潘仁之間居延喜之里蓋闕積此畸隻遂爲偏枯其難一也風流遐覽事資雅馴權要棲止隆富僑託高閣連雲當道直啟旁羅摺

撫漫有驛廬館集宿挾張許史之居鐘鼎擊食鹽豔
翁質之壯萬章柳市徇薰胄而見書富中玉饌競區宇
而附麗裁制既失多詒塵點其難二也藏身人海仕隱
所充待詔金門通籍禁裏游豫觴詠率儲故實行樂之
地草木生欣遺響之烈鏗鏘在耳五餐先饋謀景動而
成光三徑甫開挫廉萃於接跡詞流掌錄雅在兼蒐顧
有倉卒成書員程迫限以此編輯奚事瑣言藉文蹇淺
概從擯落於是憑虛安處寥寂無聞清漳夾宅認履綦
而不呈黃墟乘輅邈山河而焉寄目論一滋雷同相習
擁篲達者賢絕且莫其難三也兩君細書東觀侍彥西

京師坊巷志序

二 求恕齋

園七略四部流別甄微郢握隨掌淹伊專翫共膺美選
述成此著搨始斷心妙有源貫凡夫公私載籍鈔彙祕
冊洞若觀火析如台荊區分類附取證弘撰譬之雙離
揚輝二龍競馭洛陽茂先之問交豁承明三輔臺卿之
書定爲決錄徵事富於楊衙不隸伽藍先路踵夫次道
遠涉勝代方謂塵諸廣內獨煥驪珠祕之帳中快逾量
飽往觀侍御遺書載此志目蓋將有待別行遷延未果
今先生雅意彙此遙質冥契弦歌赴節應涌蓋山之泉
篇簡尙新致諾秣陵之答平生風義於此益見或以龍
漢小劫兩門昔蕪新數中興閭閻變質江亭藉卉周侯

顧而喟然靈光支持文考嘻其有作則又讀斯志者所
爲想開元之全盛億春明之夢餘悵悵於景物睠睠於
左契也光緒乙巳仲冬興化李詳

序

昔嘗讀孟元老夢華錄吳自牧夢梁錄均從衰落追溯繁華流連景光敷演時節其實銅駝荆棘觸目生哀固已言者津津聞者惓惓已光緒五年順天監尹吏部尙書萬文敏公府尹周小棠京兆勅修順天府志延江陰繆筱珊參議義烏朱蓉生侍御分修坊巷以東西城坊考爲法兩君采取明坊巷衢集帝京景物略日下舊聞考并按筆記及國朝文集數十種遼金舊蹟名人住宅依地類纂分爲兩卷學人以爲名志志成之後時有增補興化李君審言更爲作序儼重刊而未果今以

京師坊巷志序

一 求恕齋

稿與予雖相距止三十年而兵燹滄桑朝市非昔攷其未確者補其已佚者改爲十卷昔歲乘輿淀園避暑貴人邸第均寓西城淀園相近夜值較便後值燬廢常住宮禁寓西城者均遷東城迨頤和園修復又自東而西矣況庚子聯兵入都西城之旃檀寺各衢衢均被燒燬又因新政學堂兵廠率占民居民政部悉改舊名內務部開闢馬路連薈接棟折毀一空阡陌寬廣車馬駢集而舊時之京師已大改觀矣嗟乎遺簪墜履昔人所悲開元全盛之年春明夢餘之錄今昔聞見無不懸殊徐星伯東西京城坊考序云著名人之故居供後人之詩

料歸元功詩云城闕河山千古壯可知不是舊京華況
乎掌故所關人文所繫鄙注揚記典型斯在今則世家
零落喬木無多從新闢之街衢溯舊京之人物固與夢
華夢梁二錄同爲憑弔之資而已

歲次強圉大荒落孟陬吳興劉承幹序於歇浦之嘉業
堂

京師坊巷志卷一

求恕齋叢書

義烏朱一新
江陰繆荃孫同撰

吳興劉承幹重訂

周官之制度地居民九經九緯經涂九軌類若畫一所以建 皇極而隆上儀也 京師衢巷大氏襲元明之舊瑣聞佚事往往而在若其規制之沿革習俗之隆窳民生之息耗則又考古鏡今者之淵海矣顧方志扁略靡所取材昔賢纂著椽而無紀爰鉤考其言之雅馴者述爲斯篇或里語流傳著於眾口而載籍無所徵者則闕之辟不敏也牙署寺觀標綱補闕抑亦志地者所不

京師坊巷志卷一

一求恕齋

廢若閭巷叢祠王侯甲第郡國計車之所萃寓公篇詠之所傳閒涉繁蕪要關掌故 案洛陽伽藍記略標故宅宋氏長安志從之至徐氏東西京城坊考尤爲詳悉今仿其例悉加甄錄惟流連景光之作概無取焉大輅椎輪事資撓始兼乏擘精之暇愍辭弁陋之譏匡謬拾遺以俟來哲志坊巷

中西坊

隸中城凡 皇城自地安門以東內城自東長安街以北王府街以西兵馬司衙衢地安橋以南外城自正陽門大街西至西河沿關帝廟煤市橋觀音寺前

石頭衛衛南至西珠市口大街又南至永定門西皆屬焉

中東坊

隸中城凡皇城自地安門以西內城自西長安街以北西大市街以東護國寺街地安橋以南外城自正陽門大街東至打磨廠蕭公堂草廠二條衛衛蘆草園南至三里河大街皆屬焉

朝陽坊

隸東城凡內城自東大市街以東東直門街以南皆屬焉外廂則東便門朝陽門東直門外其分地也

京師坊巷志卷一

二求恕齋

崇南坊

隸東城凡內城自崇文門街王府街以東交道口北新橋以南外城自崇文門外三轉橋以東左安門以北皆屬焉

東南坊

隸南城所屬皆外廂南則永定門左安門右安門門外東則廣渠門外西則廣寧門外其分地也

正東坊

隸南城凡內城東自崇文門街西至太平湖城根北至長安街外城自崇文門外大街西至打磨廠蕭公

堂北至三里河太街西南至永定門東左安門西皆屬焉

關外坊

隸西城凡內城自西大市街以西阜成門街護國寺街以北德勝門街以東皆屬焉外廂則阜成門西直門西便門外其分地也

宣南坊

隸西城凡內城自瞻雲坊大街以西報子街以北阜成門街以南外城自宣武門外大街迤南至半截衚衕以西皆屬焉

靈椿坊

隸北城凡內城自德勝門街以東地安橋兵馬司衕衕交道口東直門街以北皆屬焉外廂則安定門德勝門外其分地也

日南坊

隸北城所屬皆外城自煤市橋觀音寺前石頭衕衕板章衕衕以西宣武門外大街半截衕衕以東皆屬焉又靈椿坊來屬三鋪詳後

會典事例
參城冊

定制以內城轄於步軍統領外城外廂設城官以理之而皆董於巡城御史初以正指揮司命案緝盜賊

副指揮掌鬪殿賭竊諸細事吏目駐外廂職與副指揮同康熙三十一年移副指揮駐外廂而令吏目分掌外城之事惟中城正指揮吏目皆駐外城雍正五年命五城地界諸犬牙相錯者勘立界牌十二年定設木牌之令乾隆二年議凡街衢寬者建石碑其狹巷仍釘木牌

皇城周十八里有奇一統志前明悉爲禁地民間不得出入我

朝建極宅中四聰悉達東安西安地安三門以

內紫禁城以外牽車列闔集止齊民稽之古昔前朝

後市規制允符舊聞考

京師坊巷志卷一

四求怨齋

明張萱疑耀京師人評巷爲衢衢世以爲俗字不知

山海經已有之食鴉鳥可以止衢郭璞注治洞下也

音洞獨衢字未經見案疑耀所引見北山及中山

經然此特借字非其本義說文行部衢通街也廣韻

玉篇義同音徒東徒弄二切廣韻引蒼頡篇作衢云

巷道今南方評巷曰衢北方評巷曰衢衢衢合音

爲衢衢見爾雅衢見說文皆古訓也謝肇淛五雜俎

引元經世大典謂之火衢衢卽火衢之轉元人有

以衢衢字入詩者其來已久析津志言京師二十九

衢通衢通字本方言蓋緣飾以古義非其實也

皇城東

中西坊

東華門外南長街

俗稱南池子井二內務府所屬外養狗處在西舊有管轄番役署後移西華門外北長街案鷹房狗房舊俱在東華門內其在南池子者外署耳嘉慶壬戌復將內署移東華門外長房見禮親王嘯亭續錄

南河沿

井一

明劉若愚蕪史自皇史宬東南有門通河河上有湧福閣俗所謂騎馬河也 舊聞考今普勝寺東

京師坊巷志卷一

五求恕齋

北有馬鞍橋當卽騎馬河舊址

菖蒲河

木橋二

蕪史皇史宬再東則追先閣欽天閣勒世廟欽天頌於碑再南則御作也 案今大院子地臨菖蒲河卽明之御作

冰窖

牛郎橋

橋一

東河沿

有馬鞍橋平橋

蕪史池東沿河稍北則呂梁洪東安橋再北有亭

居橋上曰涵碧又北則迴龍觀止焉其殿曰崇德
舊聞考河東今爲南箭亭北有平橋在東安橋
南當卽呂梁洪濠金亭舊址東安橋北又有橋橋
上遺石礎二相傳有樓騎河今橋西街尙名騎河
樓則燕史所云有亭居橋上曰涵碧者也又北今
爲北箭亭崇德殿舊基當在其地 吳長元宸垣
識略明南城宮殿額名無涵碧亭崇德殿在河東
卽迴龍觀似與南內相接爲今南箭亭地未聞越
東安門北而有別館也 舊聞考據燕史有東安
橋再北五字因以騎河樓北箭亭當之竊以東安

京師坊巷志卷一

六求恕齋

橋明稱皇恩橋下云水從御馬監東東安門橋下
不直稱東安橋可知疑呂梁洪東安橋卽今馬鞍
橋有涵碧亭覆其上者卽今平橋又 西苑之水
從牛郎橋出湧福閣所謂騎馬河以閣跨水上也
南箭亭

有十韃子廟

南灣子 井二

池南爲 皇史宬尊藏 寶錄 聖訓 玉牒地
因以名

南北庫司衛衛 井一

官豆腐房

飛虹橋

虹俗訛龍
井一橋一

明英宗實錄初上在南內悅其幽靜既復位數幸焉因增置殿宇其正殿曰龍德正殿之後鑿石爲橋橋南北表以牌樓曰飛虹曰戴鼇 燕史飛虹戴鼇二坊姜立綱書 孫國敕燕都游覽志自東華門進至麗春門凡里餘經弘慶殿歷皇史窺門至龍德殿隙地皆種瓜蔬注水負甕宛若邨舍過此則飛虹橋石刻鰐虎禽鳥狀傳爲西洋僧載而來 案麗春門明南城中路門也見春明夢餘錄

京師坊巷志卷一

七求恕齋

蔣一葵長安客話引陶從政詩中官三寶下西洋載得仙橋白玉梁則橋石爲三寶太監鄭和下西洋時所得燕史載其事亦同游覽志言西洋僧所獻傳聞異詞耳

南井兒衚衕

井一

冰窖衚衕

門神庫

工部製造庫所屬門神庫在焉地因以名

明沈德符野獲編世宗初建獻皇帝廟既祔廟稱宗遂閉舊廟不復祀嘉靖四十四年舊廟柱產芝

上大悅改名玉芝宮 舊聞考玉芝宮久廢以大禮集議所記地界考之當在南池子西北今之門神庫或卽其地歟

鐙籠庫

井一

石頭縫衚衕

內務府北鞍庫所屬鞍作在焉

箭廠衕衕

內務府氈庫所屬箭廠在焉

緞匹庫

戶部所屬緞匹庫在焉地因以名東與大庫顏料

京師坊巷志卷一

八求恕齋

庫通謂之三庫南小衕衕曰鴨蛋井井一其東南爲正白旗侍衛教場見八旗通志

嘯亭續錄睿忠親王府舊在明南宮今爲緞匹庫

謹案王諱多爾袞

太祖十四子順治間

稱輔政 皇叔父王後以罪除乾隆四十三年

特旨詔雪復舊封世襲追諡忠 蕪史重華宮之

東曰洪慶宮供番佛之所也又東則內承運庫再東則崇質宮俗云黑瓦殿景泰間英廟所居 舊

聞考明英宗北還居崇質宮謂小南城今緞匹庫庫神廟有雍正九年重修碑云緞匹庫爲戶部分

司建在東華門外小南城名裏新庫亦小南城也
東南爲普勝寺寺前沿河尙有城牆舊址 案明
南城本東苑舊地英宗復辟後大加修拓遺址甚
廣今錄取其涉坊巷者

嗎噶喇廟

普度寺舊名嗎噶喇廟 國初爲睿親王府廟西
井一

俞正燮癸巳存稿墨爾根王爲睿親王爲攝政王
當時稱爲台星可汗九王見毛奇齡後鑒錄其舊
府據恩福堂筆記在東安門內之南明時南城今

京師坊巷志卷一

九求忍齋

嗎哈噶喇廟吳偉業讀史偶述詩松林路轉御河
行寂歷空垣鳥雀聲七載金滕歸掌握百僚車馬
會南城與今地阯悉合 案元史泰定帝紀至治
三年十二月塑瑪哈噶拉佛像於延春閣之徽清
亭梵書言嗎哈喇佛有十二皆文殊觀音化身及
護法神也明南城有洪慶宮供番佛之所見夢餘
錄明宮史諸書瑪哈噶喇佛蓋其遺像

瓷器庫 井一

內務府所屬瓷器庫在焉地因以名

蕪史內承運庫在東下馬門職掌庫藏在宮內者曰

東裕庫寶藏庫謂之裏庫其會極門寶善門迤東一帶及南城瓷器等庫則謂之外庫 舊聞考綴
匹庫庫神廟東地名瓷器庫巷口石獅二臨河巷
有南北兩汊內有黑琉璃瓦房蓋卽庫房未毀者
葡萄園

御馬圈 井一

東安門大街

有東安橋亦稱皇恩橋

嘯亭續錄武英親王府在東華門今爲光祿寺署

戴璐藤陰雜記寺爲英親王故邸規模弘敞今

京師坊巷志卷一

十求想齋

半空閒 謹案王諱阿濟格

太祖十二子

初封武英郡王晉親王順治八年以罪除 蕪史

過東上北門中東門曰彈子房曰學醫讀書處曰

光祿寺曰篋頭房曰東安裏門過橋則東安門也

案光祿寺在東安門內今仍明舊餘無考查嗣

璞查浦詩鈔長連牆接短連牆紫禁滄洲列兩廂

催取四時花釀酒七層吹過竹風香長連短連兩

街名在仁智殿西南御酒房後見蕪史及西河詩

話此大內之御酒房非光祿寺御酒房也查詩似

未晰藤陰雜記引西河詩話系於光祿寺者誤紫